

1935. 12.

საბჭოთავო
საბავშვო

სამეცნიერო



საბავშვო
5

„კონკრეტი“

საქართველოს ა.ღ.კ.კ. ცენტრალური კომიტეტისა და
განსახორციელების ერთგვიანი შურობი

№ 5

მ ა ი ს ი
1935

წელიწადი მე-11
კვლევის მისამართი:
კიროვის ქ., № 7.
საქართველოს და სსრკ
ს ე მ მ რ ი

შინაარსი

	83.
1. პირველი მისი—გ. ქუჩიშვილისა	1
2. პატარა ესკიზი — თარგმანი თ. ს-ძისა	1
3. ოქროს თევზი და მებღღური—თარგმანი ა. ახნაზაროვისა	5
4. მოწაფეობას—გ. ქუჩიშვილისა	6
5. ჯულბარსი—თარგმანი ნ. ქოჩიაშვილისა	7
6. საიდუმლო ნიშნები—გადმოკეთ. თ. ჩერქეზიშვილისა .	10
7. ეს სტალინელი პიონერი—ნ. ფხაკაძე	13
8. საბავშვო მუსიკა	14
9. წერილი ბების—გივი მელაძისა	14
10. კოლონების ბუდე—ია ჩხაიძისა	15
11. ნოტები—თ. შავერზაშვილისა	ყდაზე 4 გვ.

სარედაქციო კოლეგია: ა. გველესიანი, აკ. რეხვიანი (პ/მ. რედაქტორი), ა. ზანკიანი,
ლავ. ზიზინაძე (პ/მ. მდიანი), შ. თაბუკაშვილი, შ. სინაკულიძე,
გორის ჩხეიძე და შ. თორაძე.



რა ლამაზად ირთებო
ეს პირველი მაისი;
მოდის ხალხი ზვირთებად
და მედგარი ხმა ისმის!

პაერში დაფრინავენ
მკვრივ ფოლადის ფრთოსნები;
ქუჩებში მოგრვეინავენ
შრომის ორდენოსნები!

ბავშვებიც შეფენილან
სიმღერებით სერებზე;
ერთიც არ დარჩენილა,
რომ არ ცეკვდეს ცერებზე!

ნეტავ რა შეედრება
ამ ზღვა სანახაობას?!
ვაშა ძაღლი შეკრებას!
ვაშა ჯანსაღ თაობას!

გ. კუჩიუვილი.

1961



პატარა ესკიმოსი

კივის აღზრდობა

პატარა ესკიმოსი კიში მეტად მოსაზრებელი, ღონიერი და ჯანსაღი ბიჭი იყო. მან ცამეტჯერ იხილა მზე, რადგან იმ ქვეყანაში მზე ყოველწლიურად ჩადის, და წყვილადში ეხვევა ყოველივე; შემდეგ წელს მზე კვლავ ჩნდება, რომ ადამიანებმა შეძლონ გათბობა.


კიშის მამა ბოკი, ძლიერ გულადი ადამიანი, შიმშილობის დროს დაიღუბა, როდესაც პოლარულ დათვზე ნადირობდა, რომ საკუთარი სიცოცხლის ფასად გადაერჩინა სოფლის მცხოვრებთა სიცოცხლე. ბრძოლის ქარ-ცეცხლში ის მწვავედ ეკვეთა დათვს და უკანასკნელმა სასიკვდილოდ მოთელა ის; მაგრამ დათვი მაინც მოიკლა და

მისმა დიდძალმა ხორცმა სოფლის მცხოვრებნი შიმშილით სიკვდილისაგან იხსნა. ბოკის სიკვდილის შემდეგ დარჩი ცოლი და ერთადერთი ვაჟი - კიში. ადამიანებს მიღრეკილება აქვთ ყოველივე მიივიწყონ, ესკიმოსებმაც მალე დაივიწყეს ბოკის თავგანწირვა; და რადგან კიში ჯერ პატარა ბიჭუნა იყო, დედამისი კი უძლური ქალი, ორივეს შესახებ სწრაფად დაივიწყეს, და ისინი მალე შეიქნენ იძულებული უღარიბეს და საცოდავ ქოხში ჩასახლებულიყვნენ.

ერთ ღამეს სხდომაზე ესკიმოსები შეიკრიბნენ ტომის ბელადის კლომ-ქვანის ფართო ქოხში, და კიშმა მაშინ ყველა იქ მყოფს დაუმტკიცა, რომ მის ძარღვებში ვაჟკაცური სისხლი ჩქეფს, რომ ის უკვე ბავშვი არ არის. ის მოზრდილი ადამიანის ღირსებით წარმოდგა და სიმშვიდით ელოდა სიჩუმის დამყარებას.

— მართალია, მე და დედაჩემს ხორცს გვაძლევენ, — თქვა მან, — მაგრამ ხორცი ხშირად ძველია და მაგარი, ამის გარდა — ის მეტად ძვლიანია.

ყველა მოწადიერე, როგორც მოხუცებულნი და ჭალარანი, აგრეთვე ახალგაზრდები და ღონიერი, გაოცდა. აქამდე მათ არასდროს გაეგო-



ნათ, რომ ბავშვს მოზრდილსავით ემსჯელა და ასეთი საწყენი სიტყვები პირდაპირ ეთქვა.

მშვიდი და სერიოზული კიში განაგრძობდა თავის სიტყვას:

— მე ვიცი, რომ მამაჩემი ბოკი დიდი მონადირე იყო. ის ორ კარგ მონადირეზე მეტ ხორცს მარტო შოულობდა. ის საკუთარი ხელით ანაწილებდა ხორცს და თვალყურს ადევნებდა, რომ საცოდავ მოხუც ქალსა და უხუცეს კაცს თავიანთი წვლილი მიეღოთ.

— ოჰ, ოჰ, ჰო! — დაიყვირეს მამაკაცებმა. — გააძვევთ ეს ბიჭუკა, დასაძინებლად დააწვინეთ. განა ის მამაკაცია, რომ მოზრდილებთან და მოხუცებულებთან ასეთ ლაპარაკს ბედავს! მაგრამ კიში გულმშვიდად ელოდა სიჩუმის დამყარებას.

— უგ-გლოუკ, შენ ცოლი გყავს, — თქვა კიშმა, — და მის მაგივრად ლაპარაკობ. მასუკა, შენ ცოლი და დედა გყავს და მათ მაგიერ შენ ლაპარაკობ, დედაჩემს ჩემს გარდა არავინ ჰყავს, და ამიტომაც მე ვლაპარაკობ. აი. რას გეტყვი: მამაჩემი ბოკი იმიტომ მოკვდა, რომ ნადირობის დროს ძაღვზე ფიცხი იყო და სამართლიანად მე, მის შვილს, და მის ცოლს აიკიბას საკმაო საზრდო უნდა გვექნეს, სანამ სოფელში ხორცი არის. ეს ვთქვი მე, ბოკის შვილმა კიშმა!

ის დაჯდა და ისმენდა აღშფოთებისა და პროტესტის სიტყვებს, რომელნიც იმისმა თქმამ გამოიწვია.

— საბჭოზე ლაპარაკი რომ ბიჭუკას გაეხდოს! ლულულულებდა მოხუცი უგ-გლოუკი.

— ნუთუ ჩვენ, მამაკაცებს, ძუძუმწოვარა ბალები დაგვიწყებენ სწავლებას?! — ხმამაღლა კითხულობდა მასუკი.

მოზრდილთა მრისხანებამ უკიდურესობას მიაღწია. ისინი უბრძანებდნენ კიშს დასაძინებლად წასვლას, ემუქრებოდნენ, რომ ის ხორცს ისე არ მიიღებდა და პირდებოდნენ, რომ თავგასულობისათვის კიდევ სცემდნენ.

კიშს თვალები აუელვარდა, სახეს სისხლი მოაწყდა და ის ფეხზე წამოიჭრა.

— თქვენ ყველამ მე მომისმინეთ! — დაიყვირა მან. — საბჭოზე მე მეტს არასდროს არ ვილაპარაკებ მანამ, სანამ თვით ხალხი ჩემთან არ მოვა და არ მეტყვის: „კიშ, კარგი იქნება, თუ შენ სიტყვას იტყვი. თქვი, რადგან ჩვენ ეს გვსურს“. ახლა კი ჩემი უკანასკნელი სიტყვა მოისმინეთ. ჩემი მამა ბოკი დიდი მონადირე იყო, მე, მისი შვილი, აგრეთვე წავალ სანადიროდ, რომ ხორცი ვიშოვო. თქვენ ყველამ იცოდეთ, რომ ჩემი მონაპოვარი სამართლიანად იქნება განაწილებული. არც ერთ ქვრივს, არც ერთ უძღლურს ან ავადმყოფს შიმშილისაგან ტირილი არ მოუხდება იმ დროს, როდესაც ღონიერი მამაკაცები ზომაზე მეტად მიღებული საქმლის გამო მუცლის ტკივილისაგან იკვნესებენ. დადგება დღე, როდესაც თავს ლაფი დაესმის იმ ძლიერთ, ვინც ზომაზე მეტსა ჭამს. მე, კიშმა, ესა ვთქვი!

ქობიდან გასვლის დროს მას საზიზღარი დამცინავი ყვირილი გაადევნეს, მაგრამ მან მაგრად დააჭირა კბილები კბილებს და თავისი გზით გაეშურა: არც მარჯვნივ და არც მარცხნივ არ იცქირებოდა.

მეორე დღეს კიში ნაპირით გაემართა იქით, სადაც ყინული დედამიწას უერთდებოდა. მნახველებმა შენიშნეს, რომ კიშს მიჰქონდა თავისი მშვილდი გამახვილებული ძელების ისართა დიდი მარაგით და მხრებზე მამის სანადირო დიდი მახვილი ჰქონდა.

ამან მრავალი დაცინვა და მითქმა-მოთქმა გამოიწვია, რადგან მსგავსი რამ არასოდეს მომხდარა. ამ ასაკის ბიჭები სანადიროდ არასოდეს წასულან. ესკიმოსები სხვადასხვა წინასწარმეტყველებით თავს იქნევდნენ; ქალები სიბრაღულით შესცქეროდნენ კიშის დედას — აიკიბას, რომლის სახე სერიოზული და სევდიანი იყო.

— ის მალე დაბრუნდება, — ეუბნებოდნენ ქალები ნუგეშის მიზნით.

— დე, წავიდეს სანადიროდ: ეს საუკეთესო გაკვეთილი იქნება იმისათვის, — ამბობდნენ მონადირენი. — ის მალე დაბრუნდება და მშვიდი შეიქნება, მისი სიტყვა სიცოცხლის დასასრულამდე თავაზიანი იქნება.

კივის საიდუმლოება

ორმა დღემ განვლო. მესამეს საშინელი ქარიშხალი ატყდა. კიში არ ბრუნდებოდა. აიკიბთემებს იგლეჯდა და გლოვის ნიშნად სახე სელაპიკსიმის მურით შეითხუპნა. ქალები მწარედ უსაყვედურებდნენ მამაკაცებს, რომ აწყენინეს ბავშვს და იმისი სიკვდილის მიზეზი იყვნენ. მამაკაცები დუმილით უსმენდნენ და ქარიშხლის ჩადგომისთანავე ემზადებოდნენ კივის სხეულის საპოვნელად წასვლას.

მეორე დღეს დღით აღრე, კიში, თითქოს არა მომხდარიყო რა, სოფელში დაბრუნდა. ზურგზე ეკიდა მძიმე ტვირთი, — დათვის ახალი ხორცის ნაჭერი. მის მიხერა-მოხერაში ამპარტავნობა გაჟოსჭვიოდა, სიტყვა ამაყი იყო.

— წაიყვანეთ ძაღლები და მარხილები, ჩემ კვალს მიჰყევით, — თქვა მან. — იქ, ყინულზე, ბევრი ხორცია — ძუ დათვი და დათვის ორი დიდი ბელი.

აიკიბა სიხარულით ცას ეწეოდა, მაგრამ კიშმა, როგორც მოზრდილმა აღამიანმა, მხოლოდ ეს თქვა:

— აიკიბა, წავიდეთ, ვჭამოთ. შემდეგ მე დასაძინებლად დავწვები, რადგან ძლიერ დავიქანცე.

ის ქოხში შევიდა, ჯამა და შემდეგ ოცდაოთხი საათი განუწყვეტლივ იძინა.

კივის სიტყვებმა დასაწყისში მხოლოდ ეჭვი აღძრა. პოლარულ დათვზე ნადირობა მეტად სახიფათოა, მით უფრო სახიფათოა ბელებიან ძუ დათვზე ნადირობა. ხალხს არაფრისათვის არ უნდოდა დარწმუნებულიყო, რომ ბიჭუნა კიშმა მარტოდ, ყოველგვარი დახმარების გარეშე, მოახდინა ასეთი სასწაული.

დასასრულ მონადირენი საყვედურით გაემგზავრნენ: მან, ალბათ, არ გამოფატრა მოკლული დათვებიო. შორეულ ჩრდილოეთში ეს ცხოველის მოკვლის წუთსვე ხდება, რადგან ხორცი იყი-

ნება და უმახვილეს დანასაც არ ემორჩილება მარხილზე მისი დაწყობა და დათვის გაყინული ხორცის, ას ორმოცდაათი კილო ხორცის თრევა მეტად ძნელი საქმეა.

მონადირეებმა ადგილზე მისვლისას ნახეს მოკლული დათვი და დარწმუნდნენ, რომ კიშს, როგორც დახელოვნებულ მონადირეს, ამოეცალა შიგნეული.

იმ დღიდან კივის საიდუმლოებაზე ალაპარაკდა ყველა. დღითიდღე უფრო და უფრო გაუგებარი ხდებოდა ეს საიდუმლოება.


მეორედ მან მოკლა ახალგაზრდა ბრგე დათვი, მესამედ — ბებერი დიდი ხვადი და ძუ დათვი. ის ჩვეულებრივ სამი-ოთხი დღით მიდიოდა; მაგრამ ხანდახან მთელი კვირის განმავლობაში დაეხეტებოდა ყინულიან ველზე. ის ყოველთვის უარს ამბობდა ვინმეს წაყვანაზე, რაც უფრო მეტად აოცებდა ხალხს.

— როგორ აკეთებს ამას? — ეკითხებოდნენ ისინი ერთმანეთს, — მას თან ძაღლიც არ მიჰყავს არასოდეს, რომელსაც დიდად შეუძლია დახმარება.

სოფელში ჯადოსნობის შესახებ დაიწყეს ლაპარაკი.

— ის ბოროტ სულთა დახმარებით ნადირობს, — ამტკიცებდა მრავალი, — ამიტომაც ნადირობაში ყოველთვის გამარჯვებულია.





— შესაძლოა, ბოროტის მაგიერ, კეთილი სულები იყოს?—ამბობდნენ სხვები—ვინ იცის?

კიში ყოველთვის გამარჯვებული იყო ნადირობაში, და ნაკლებ დახელოვნებული მონადირეები იმასლა აკეთებდნენ, რომ სოფელში მის ნანადირევს ეზიდებოდნენ. ყოველთვის სამართლიანი იყო განაწილება. კიში, მამის მსგავსად, ყოველთვის თვალყურს ადევნებდა, რომ საცოდავ მოხუცებულ ქალსა და უძლოურ მოხუცებულ კაცს ყველას თანაბრად მიეღო თავისი წვლილი; თავად მხოლოდ იმდენს იტოვებდა, რამდენიც შიმშილს მოუკლავდა. ასეთი შესანიშნავი ნადირობისათვის ხალხი მას პატივით ეპყრობოდა, ლაპარაკობდნენ კიდევ, რომ მოხუც კლოშ-ქვანის შემდეგ თავიანთ ბელადად ის აერჩიათ. იგონებდნენ რა ყოველივე მის მიერ ჩადენილს, ელოდნენ საბჭოზე კვლავ მის გამოცხადებას; მაგრამ ის არ მიდიოდა, კიშის მოწვევა კი მათ უკვე რცხვენოდათ.

ერთხელ მან კლოშ-ქვანსა და რამდენიმე მონადირეს უთხრა:—მე ქოხის აშენება გადაწყვიტე ჩემთვის, ის ღიდი და ფართე უნდა იყოს,

რომ მე და დედაჩემმა აიკიბამ მასში მოხერხებულად ვიცხოვროთ.

— ჰო, — თავდახრით, სიღინჯით დაემოწმნენ ესკიმოსები.

— მაგრამ ღრო არ მაქვს. ჩემი საქმე ნადირობაა და მთელ ღროს ის მართმევს. სამართლიანი იქნება, თუ მამაკაცები და ქალები, რომელნიც ჩემი ნანადირევით საზრდოებენ, ჩემთვის ქოხს ააშენებენ.

ქოხი ისეთი ფართო აშენდა, რომ კლოშ-ქვანის საცხოვრებელსაც აღემატებოდა.

კიში და დედამისი იქ გადავიდნენ, და აიკიბამ ქმრის სიკვდილის შემდეგ პირველად დაიწყო კმაყოფილებითა და პატივით ცხოვრება.

ესკიმოსები კიშის საიდუმლო ნადირობით ძლიერ დაინტერესებულნი იყვნენ; უგ-გლუკმა ერთხელ საჯაროდ აშკარად დასდო მას ბრალი ჯადოსნობაში.

— შენ ბრალსა გდებენ, — გაბოროტებული ხმით დაიწყო უგ-გლუკმა, — რომ ბოროტ სულებთან გაქვს კავშირი და ამიტომაც შენი ნადირობა გამარჯვებით ბოლოვდება.

— ვანა ცუდი ხორცი არის? — უპასუხა კიშმა, — ჩვენს სოფელში ვინმე შეიქნა ავად, რომ ის შექამა? საიდან იცი, რომ ეს ჯადოსნობაა? თუ შენ ასე მხოლოდ მისთვის ფიქრობ, რომ შური გღრღნის?

უგ-გლუკი შერცხვენილი გაჩუმდა; და, როდესაც ის წავიდა, ქალებმა მას დაცინვა დაუწყეს.

მაგრამ რამდენიმე ხნის შემდეგ, ხანგრძლივი მსჯელობის შედეგად, საბჭოზე გადაწყდა — კიშისათვის, როდესაც ის სანადიროდ გაემართებოდა, კვალდაკვალ ჯაშუში დაედევნებიათ და ამრიგად გაეგოთ იმისი ნადირობის ხერხები.

ჯეკ ლონდონი.

თარგმანი თ. ს.—ისბ.

განვლო ერთმა თუ ორმა კვირამა,
დედაბერი კვლავ ვადაირია,
უთხრა ქმარს: „წადი, თევზს მოახსენე:
აზნაურობა აღარ მქირია,
ეხლა მსურს ვიყო მე დედოფალი,
ყოვლად შემძლე და თავისუფალი“.
მოხუცს ეოცა, შიშით შესძახა:
„შენ საქმე ხომ არ გამოგლევია?!
რაებსა ჩმახავ აქ, დედაკაცო,
ლენცოფა ხომ არ დაგილევია?!
სიტყვა-პასუხი შენ არ გივარგა,
ან სიარული რაღას მიგივავს,
მთელ სახელმწიფოს გაეცინება,
სამასხარაოდ რაზე იხდი თავს?“
გაბრაზდა და ქმარს სილა შემოჰკრა,
უთხრა: რა სთქვი ეგ, რა იყბედეო,
ვიდაც გლეხუქამ ტახტის აზნაურს
უარი როგორ გამიბედეო!
„წა, თორემ ძალით წაგათრევენებ
და რაც მსურს იმას იქ გათქმევენებ!“
მოხუცი ისევ ზღვისკენ წავიდა,
შავი და ბნელი იყო ლურჯი ზღვა...
მოიხმო თევზი, და თევზმა ჰკითხა:
„რაო, მოხუცო, აწ რა შეგემთხვა?“
მან თაყვანი სცა, უთხრა: დედაბერს
აღარ უძღება ხარბი თვალიო,
არ მოსწონს ტახტის აზნაურობა,
სურს იყოს ქვეყნის დედოფალიო.
თევზმა თქვა: „გული ნუ გიწუბდება,
წადი, ეგ თხოვნაც აგისრულებდა“.
დაბრუნდა სახლში და რა იხილა:
სასახლის დროშა ღრუბლებს სწვდებოდა,
დარბაზში იყო დიდებულით კრება
და დედაბერიც იქ ბრძანდებოდა.
მრავლად ეხვია გარს დიდებული,
აზნაური და წარჩინებული.
თაყვანსა სცემდენ, ხოტბას ასხამდენ
სურდათ რითიმე მოეგოთ გული.
დედოფალს ზურგთან უდგას დარაჯი
დიდად მრისხანე და საზარელი,
ზოგს ეპყრა ხელთა ხმალი შიშველი,

ზოგს-კი ცული და ნაჯახი მჭრელი.
შეკრთა მოხუცი, მიდგა იმ ადგილს,
სად დედოფალი ნებივრად იჯდა.
თაყვანი სცა და აღერსით უთხრა:
„ეხლა-კი გული ხომ დაგიდინჯდა?“
არც კი შეხედა, ისე უბრძანა
მზღებლებს მოხუცის გარეთ გაყვანა.
წამსვე მისცივდა დიდებულით გროვა,
კისერში სცემდა, იგინებოდა.
კარებთან შეხედა მკაცრი დარაჯი,
ცულით აკუწვას ემუქრებოდა.



ხალხიც მას გმობდა და იცინოდა,
იგი არავის ებრალებოდა.
ორი თუ სამი კვირა გავიდა,
დედაბრის ჟინი წრეს გადავიდა,
გაგზავნა ყველგან კარისკაცები,
თავისი ქმარი მოაძებნინა.
წავიდენ, ძებნეს, ჰპოვეს, მოჰგვარეს
და დაუყენეს მკრთალი თვალწინა.
უბრძანა: „წადი, თევზს მოახსენე,
რომ დედოფლობა მე მომეწყინა,
ეხლა მსურს ვიყო ზღვისა მფლობელი!
დიდ ოკვანეს შუა ადგილას
მქონდეს მე ბინა და სამყოფელი!
თვით ოქროს თევზი მე მსახურებდეს,
ჩემ ფეხთან იყოს და თაყვანს მცემდეს!“
მოხუცი დუმდა, სული გატრუნა,
შიშით სიტყვატ-კი ვერ შეუბრუნა,
წავიდა ზღვისკენ... ამ დროს ლურჯი ზღვა
ღრღღ შემოთავდა, ყალყზე დგებოდა,
კენესდა, ღმუოდა და ზვირთი ზვირთსა
ზედ ასკდებოდა, ეხეთქებოდა...
მივიდა ზღვასთან და ზღვის ფრთონაში
თევზს თავისი ხმა ძლივს გაავონა;
მოცურა ოქროს თევზმა და ჰკითხა:

„რაო, მოხუცო, რამ დავაღონა?“
მან უპასუხა: „დიდო ხელმწიფევე,
შენ-ლა ხარ მხოლოდ ჩემი იმედი,
შენ დამისხენი და დამიფარე,
წყეულ დედაკაცს ვერ აუვედი,
აწ აღარა სურს დედოფლად ყოფნა,
უნდა, რომ იყოს ზღვისა მფლობელი,
დიდ ოკვანეს შუა ადგილას
ჰქონდეს მას ბინა და სამყოფელი
და თვით შენც იმას იქ მსახურებდე,
მის ფეხთან იყო და თაყვანს სცემდე“.
თევზმა მებადურს ხმა აღარ გასცა,
არც-კი შეხედა, არც-კი უყურო,
მან ბოლო მძლავრად გადააქნია
და ზღვის სიღრმეში უცებ ჩაცურა.
დიდხანს ელოდა მოხუცი პასუხს,
ვერას ეღირსა, დაბრუნდა შინა...
ამას რას ხედავს: იგივე მიწური,
ისევე ძველი, ჩვეული ბინა...
ქოხის კარებთან ზის დედაბერი
და წინდასა ქსოვს თავჩაქინდრული,
დედაბრის ახლოს კედელთან გღია
ვარცლი დამსკდარი და დაბზარული.

ა. კუშკინი.

თავისუფალი თარგმანი. ა. ახნაზაროზისა.

მ ო წ ა ფ ე ო ბ ა ს

მინდვრის ყვავილებს გადარეთ,
ყვავილონო ფეხადგმულეობა;
ხან კლასში გხედავთ, ხან გარეთ,
ლექსებით ფრთაასხმულეობა.

მახარებთ! იმ დროს მაგონებთ,
მეც რომ ვიყავი პატარა;
მხოლოდ ერთი რამ მაღონებს;
სკოლაში არვინ მატარა!

ახლა ყველასთვის ღიაა
საბჭოთა სკოლის კარები,
და მეც რომ რომ ბაღღად მაქცია,
მოწაფედ მივებარები!

ბეჯითად, ჩემო კარგებო!
წინ, ცოდნა - გამოცდილებით,
რომ გახდეთ ქვეყნის მარგები
სასიქალულო შვილები!

ბ. ძუჩიშვილი.



შარშან, შემოდგომაზე, მე მივლინებული ვიყავი ტაჯიკისტანში.

ერსთხელ ვზივარ სასადილოში, სადილას მოლოდინში. უკვებ შემოვიდენ სამხედრო პირები ახალგაზრდა მეთაურები. ხმამაღლა ლაპარაკობენ, იცინიან.

ერთი მოვიდა ჩემთან და მომესალმა.

თურმე, ლენინგრადელი ნაცნობი ყოფილა, გამაცნო ამხანაგები, უამბო მათ—მე და მან როგორ ჩავაბარეთ გამოცდა ვაშროშილოვის მსროლელობაზე.

ერთად ვისადილეთ და სადილობისას გავიგე, რომ ისინი ნასადილევს მიდიოდენ ჯულბარსის მოსაკლავად, რომელსაც ბევრი საქონელი გაეფუჭებია ახლომანლო ყიშლაღებში¹). მეთაურებმა მითხრეს: იქ თხრილგზა გაკეთებული, სწორედ იმდენი, რამდენიც მსროლელია, მაგრამ ერთი თხრილი თავისუფალია, ვინაიდან ერთი მეთაური ავად გახდა და ვერ მოდისო. დამიწყეს პატიჟი: ჩვენთან წამოდი, ცხენსაც გიშოვით და შაშხანასაცო.

მე ვიფიქრე—ჯულბარსი, ალბათ, ფოცხვერის მსგავსი რალაც ცხოველია მეთქი, და დავეთანხმე. წავედი. ორიოდვე კილომეტრი გავიარეთ და ველზე შევჩერდით.

მიმიყვანეს პატარა სანგართან, მომცეს შაშხანა, თვითონ კი წავიდენ თავის სანგრებში ჩასაჯდომად. წითელარძიელებმა საასწრაფოდ გააბრუნეს ჩვენი ცხენები!

მე მითხრეს—მხეცი ერთი საათის შემდეგ გამოჩნდება. მაშასადამე, ჯერ ბევრი დრო მაქვს.

სანგარი ორმოს წარმოადგენდა, რომელშიაც მკერდამდის ვიყავი ჩამალული. ვინაიდან თავი და ბეჭები ორმოს ზევით იყო, სროლა არ გამოძვლდებოდა. კუთხეში იყო ვიწრო ხვრელი, რომელშიც შეიძლებოდა თავიან-ფეხებიანა შეძრომა.

მე გავიფიქრე: „არა, როგორც ეტყობა, ეს რალაცა ჯულბარსია არც ისე უბრალო მხეცია

და, ვინ იცის, იქნებ ამ ხვრელში დამალვაც გახდეს საქირო. აბა რა მრჯილა, რას მოვდიოდი აქ? ვიქნებოდი ახლა ჩემთვის მოსვენებული და კოლოების გარდა არცერთი ცხოველის შიში არ მექნებოდა“.

მართალი გითხრათ, ათასნაირი აზრი დამიტრიალდა თავში: „ეს ჯულბარსია თუ რალაც ეშმაკი, ლომი კი არ არის, მაგრამ თხას ჭამს, გარეულ ტახს ერევა, ტახს კი ისეთი ეშვები აქვს, რომ თუ კაცს გაჰკრა ფეხზე, —მშვიდობით, ფეხო“.

გულდასმით დავათვალიერე შაშხანა, ყველაფერი რიგზეა..

ირველივ მიმოვიხედე: ვაკე, სტეპი. დაბალი ბალახი, ორას ნაბიჯზე არის ტუგაი—ეს არის დაბალი, ხშირი, გაუვალი ჩირგვნარი, ჯუნგლი. ჩემგან მარჯვნივ და მარცხნივ მეზობელი მსროლელების თავები მოჩანს ორმოებიდან, თოფის ლულა ელვარებს მზეზე, მაგრამ ისინი იმდენად შორს არიან, რომ, თუ მხეცი მეცა, —შველას ვერ მოახერხებენ.

დრო გადიოდა.

ერთი საათის შემდეგ გავიგონე სროლის ხმა. ეს პირობითი ნიშანი იყო. მაშასადამე, სარეცი დაიწყა.

და კვლავ სრული სიჩუმე. მხოლოდ რომელიღაც ოხერი ონავარი ფრინველი გაკივის მალლა, ცაში, დაფარფატებს, და ჩემ საათს გააქვს წიკწიკი ჯიბეში.

მზად მაქვს შაშხანა. გულდასმით მივჩერებ ვივარ ტუგაის და მგონია—აი ახლა გამოჩნდება მხეცის თავი მეთქი.

ასჯერ მაინც გავიფიქრე, თუ როგორ გამოხტებოდა ეს „ბარსი“ ტუგაიდან—ნაცრისფერი, შავი ზოლებით, მწვერის ოდენა, გრძელკულა. გაბრაზებული მიიქნ-მოიქნევს კულს, მერე კატასავით ჩაცუცქდება და წინ გავარდება.

სწორედ გადახტომის წინ ვესვრი, თავში ვესვრი. არა, უმჯობესია მარცხენა ფერდში ვესროლო, შიგ გულში, თორემ თავის ქალამ შეიძლება აიკუროს ტყვია.

1) ყიშლაღი—სოფელი.



მოლოდინით დაძაბული ვფიქრობდი და დრო სულ გადამავიწყდა.

მერე დადლილობა ვიგრძენი, მომბეზრდა გაფაციცებით ყურისგდება და თვალიერება, თანაც მეშინია თვალი მოვაშორო ტუგაის: ერთიც ვნახოთ და გამოხტა, მერე?

ამოვიღე საათი და დავხედე. საათნახევარი გასულა სროლის შემდეგ. გულზე მომეშვა: „ახლა მხეცი კი არა, სარეკში მყოფი წითელარმიელები გამოჩნდებიან ტუგაიდან, უკვე დროა...“

და უკვე მხიარული თვალებით ვუმხერდი ტუგაის: მხეცის აღარ მეშინოდა.

ის კი მოცოცავს... ტუგაიდან ჩემამდის თითქმის ნახევარი მანძილი გამოუვლია. როგორ ვერ შევნიშნე აქამდის, როგორ?

და განა ის მხეცია, რომლის მოლოდინშიც ვიყავი? არა, ეს „ბარსი“ არ არის.

ნარინჯისფერი, შავი ზოლებით და გრძელი, გრძელი—ტროპიკული მხარჩობელა გველის სიგრძე...

გამოგიტყდებით, გული გადამიქანდა და მე თითქოს სადღაც ხრამში გადავიჩეხე.

ის კი მოცოცავდა... მუცლით მიწას ვაჭკროდა, ფეხები არ უჩანდა და მხოლოდ ფართო ბეჭები

მოძრაობდა ზურგს ზევით, თავი კი ხარის თავის ოდენა ჰქონდა.

და სწორედ ჩემსკენ მოცოცავდა, გველივით სწრაფად მოსრიალეზდა.

გონს მოვედი, შაშხანას ესტაცე ხელი. როგორც კი ხელში ვიგრძენი თოფი, უცებ დავწყნარდი.

იდაყვებით დავეყრდნე მიწას, მარცხენა ფერდში დაუმიზნე. მას თავი ჩემკენ ჰქონდა, ასე რომ მისი ყბის გვერდით ვუმიზნე ბეჭს.

საჩვენებელი თითი გამოვკარი ჩახმასს—ჯერ კიდევ არ მიმწყდარიყო სროლის ხმა, რომ მეორე ტყვიაც მზად მქონდა ლულაში.

მე ველოდი—მხეცი საშინლად დაიღმუვლებს, შეხტება, მერე მიწაზე გაგორდება და აფართხალდება შეთქი... ერთი სიტყვით, ყველაფერს ველოდი, მაგრამ ის კი არ მეგონა, თუ არაფერიც არ მოხდებოდა.

თვალს ვერ ვუჯერი: მხეცი არც შემკრთალა, მოცოცავს ისევ, როგორც წელან მოცოცავდა, ისევ უხზოდ, ისევ სწრაფად, ისევ ჩემკენ.

მე ვაროშილოვის მსროლელი ვარ, თითქმის სნაიპერი, 100 მეტრის მანძილზე ხუთ ტყვიას ზედიზედ ჩავსვამ ხოლმე მიზნის შავ წერტილში, და როგორ ავაცდინე?

ერთი წამიც კი არ მქონდა მოსაფიქრებელი. ჩემი სიცოცხლე ბეწვზე ეკიდა, ის დამოკიდებული იყო იმაზე, თუ რამდენად კარგად ამოვიღებდი მიზანში, რამდენად კარგად მოხვდებოდა ტყვია... მე დიდიხანია მივხვდი, რა მხეცთანაც მქონდა საქმე—ეს ვეფხვი იყო.

ვეფხვი მე ყოველთვის უფრო საშინელი მეგონა, ვიდრე ლოპი, ვიცოდი, რომ ერთი ნახტომით, შეეძლო ხუთმეტ მეტრზე გადაეტანა თავისი მრავალფეუთიანი ტანი, მაგრამ მხოლოდ ახლა მივხვდი, თუ ნამდვილად რას წარმოადგენდა ის.

ახლა თავში ვუმიზნე. ვიფიქრე: თუ ტყვიას აისხლეთ, მეორედ და მესამედაც მოვასწრებ სროლას მეთქი.

ხელი არ გამნძრევია. სროლის შემდეგ თვალის დახამხამებაში ხელახლა გავტენე თოფი.

იგივე სურათი: მხეცი უხმოდ მოცურავს სულ უფრო და უფრო მეტი სისწრაფით, მოცურავს ჩემკენ. ახლა სამოცდახუთმეტი მეტრიც არ იქნებოდა ჩვენ შორის, და მე უკვე ვხედავდი მის თეთრ ულვაშებს.

რა არის ეს—მირაჟია? თვალი მატყუებს? მესამედ რომ ვესროლე, ვეფხვი ორმოცდაათ მეტრზე იყო. მე ვხედავდი მის მოელვარე თვალებს. ჩემი სროლის შემდეგ მას თვალიც არ დაუხამხამებია.

საშინელომა აზრმა გამიელვა „მესუმრენ... უტყვიო ვაზნებს ვისვრი“...

საშინელ მდგომარეობაში ვიყავი. ორი სროლა დამრჩა, ისიც უტყვიო... ხელახლა თოფის გატენას ვერ მოვასწრებ...

მეოთხედ ვესროლე, როდესაც მხეცი ჩემგან ოცდახუთმეტ მეტრზე თუ იქნებოდა.

ვეფხვს კრინტიც არ დაუძრავს. მხოლოდ კული გაიქნ-გამოიქნია, როგორც კატამ, რომელიც ბელურას ებარება.

მხეცი გადმოხტომას ეპირებოდა.

არ მახსოვს, როგორ და სად ვესროლე მეხუთე ტყვია.

ვასროლის მომენტში უხმად, მსუბუქად მოსწყდა მიწას უზარმაზარი წითური სხეული და ჩემკენ გადმოფრინდა, მე ხელიდან გავაგდე შაშხანა და თხრილის ხვრელში ჩავძვერი ფეხებით.

იმავე წუთს თავს დამეცა საშინელი მხეცის დაღებულის ხახა. სახეში მომხვდა მისი ცხელი მყრალი ამონასუნთქი. სისხლივით წითელი ენა და უზარმაზარი თეთრი კბილები სწორედ ჩემ თვალებთან იყო. შემადრწუნებელმა ღმუილმა გამაყრუა... მგონი, მხეცზე უშწარესად შევკვიფლე და გული შემიღონდა...

საწოლში მოვედი გონს. თავზე მადგა თეთრხალათიანი ექიმი. ოთახი საგსე იყო ახალგაზრდა ვეთაურებით. ყველას შემინებულები სახე ჰქონდა.

— როგორ ხართ?—შემეკითხა ექიმი. უცებ გამახსენდა ყველაფერი.

— ვეფხვი?—ვიკითხე მე.

ყველამ ზეღიზედ მომაყვირა:

— ვეფხვი მოკვდა!

— თავზე დაგაკვდათ!

— უზარმაზარი ვეფხვია!

— შესანიშნავად გისროლიათ!

— ხუთივე ტყვია მოხვედრია.

— ორი მოხვედრია მარცხენა ყბაში.

— ორიც მარცხენა ფილტვში.

— ერთი კი მარცხენა ბეჭში.



— სულ ცოტა რომ ქვევით ყოფილიყო, — ჩაუბრა ჩემმა ნაცნობმა, — შიგ გულში გაუფლიდა. ყველა ტყვია გასულა მეორე მხარეს, არცერთი არ გაჩხირულა ტანში.

მე ისე ვიყავი დასუსტებული, რომ კვლავ შემოიღონდა გული.

მოკლული ვეფხვის ტყავი, ტაჯიკისტანურად კი ჯულბარის, მხოლოდ ორი თვის შემდეგ ვნახე ლენინგრადში. მეთაურებს გაე-

კეთებინათ იმისაგან ხალიჩა. შესანიშნავი ხალიჩა გამოსულა, ჩემი ოთახის იატაკს ფარავს, მაგრამ პირველად რომ ვნახე, მაშინაც გულში წამოვივიდა: ნათლად წარმოვიდგინე, როგორ მოკლეს ცავედა ეს უზარმაზარი მხეცი ჩემკენ ისე უხმო და ტყვიისადმი გულგრილი, როგორც ეს ხალიჩა.

3. ბიანკი.

თარგმანი ნ. ჟოგიაშვილისა.

საიდუმლო ნიშნები

ათი წლის ტოკიელი ბიჭი, სახელად შპინოკი, სკოლიდან დაბრუნებული, თავის ეზოში გადაბრუნებულ კასრში შექვრა. კასრში მისი მშობლები დილდილობით ბანაობდნენ.

— კარგი იქნებოდა აღმირალობა და მეზღვაურობა მეთამაშა. გადაბრუნებული კასრი უწყლოდ ნამდვილი წყალქვეშა ნავია, — იფიქრა კმაყოფილმა ბიჭმა.

კასრი დაამხო და მასზე ისე შედგა, როგორც სააღმირალო ხიდზე, სამი დიდი ნაბიჯი გადადგა, ხელები ტუჩებთან საყვირივით დაიწყო და პირობითი „დო-დო-უა“ დაიგუგუნა, რაც ნიშნავდა ამ ეზოში: „მე დავებრუნდი სკოლიდან, მოდით, ჩემთან ითამაშეთ!“

ბავშვები მახლობელ მინდორზე ბეზ-ბელს თამაშობდნენ და ნიშანი არ გაუგონიათ.

— უნდა რაზმი ავამუშაო, — წაიბუტბუტა გაჯავრებით ბიჭმა და მოწყენით პირში თითი ჩაიდო.

ამის შემდეგ გაკვეთილი გაიმეორა.

— ცურეში ზამთრის დამე იყო,

ცივი ქარი ზღვიდან ქროდა,

ვლადივოსტოკთან კრესიერი მოცურავდა, ზარბაზნის ტუჩიც ბრწყინავდა.

ეს ლექსი გრძნობითა და ხელისქნევით თქვა, ისე, როგორც მასწავლებელმა ასწავლა. არც ამან გაართო მოწყენილი ბიჭი. ჯიბიდან დანა ამოიღო და წყლით გაჟღენთილ კასრს ატაკა. საბანაო კასრის კიდევამოკრა სულ უმნიშვნელო რაღაც ფიგურები, რომელიც ჰგავდა საკითხავ წიგნში მოთავსებულ იეროგლიფებს. ორი გაკეთებული ნაჭდევი სწორი ხაზით შეაერთა და გარშემო გამოურკვეველი რაღაც შემოავლო, რაც წვრილი გრებილი ხაზებისაგან შედგებოდა და სულ ცოტათი რუკას წაგავდა, უფრო კი ხის ჭიის კვალს.

შუადღისას ბაზრიდან დედა შინ დაბრუნდა.

ოჯახი, რომელშიაც ბიჭი ცხოვრობდა, ერთი მემლიონედი ნაწილი იყო თანამედროვე ტოკიოსი. ეს ოჯახი მრავალი წელი იწევდა სოფლიდან დედაქალაქისაკენ. მან გზაში დაკარგა ბებიები, დეიდები, ძმები და ორი წლის წინათ მოაღწია დედაქალაქის გარეუბანს.

უამხანაგოდ შპინოკს მოეწყინა, კასრი რომ დახაზა მერე ისევ ქუჩაში გავარდა. დედამ შინ ვერ მოუსწრო. საქმეებში გაერთო. მან მსახურს უბრძანა წყალი მოემზადებია საღამოს აბაზანე-



ბისათვის, ბატონ მიტკეოსათვის, რომელიც ქალაქის უნივერსალურ მალაზიაში მსახურობდა.

მსახური ღრუბლით ხელში დაიხარა, რომ კასრი გაეხეხა. უცებ მან უცნაური, დანით ამოჭრილი ნიშნები დაინახა და შეშინებულმა დაიყვირა:

— ქალბატონო, ბოდიში, მაგრამ ეს რა არის? უკმაყოფილო დიასახლისი მიუახლოვდა და თქვა:

— ეს რა არის? რა არის და კასრია!

— მეშინია, ქალბატონო! როდესაც მივედიოდი, არაფერი ამის მსგავსი არა იყო რა ძირზე.

ბატონი მიტკეო მზის ჩასვლისას დაბრუნდა მალაზიიდან, მისეღოსთანავე გაიხილა მალაზიაში მიცემული პიჯაკი, ყელსახვევი და ფეხსაცმელები. ყველა ამას ფირმა აძლევდა ერთი კვირით. შემდეგ ჩითის კიბანო ჩაიცვა და მაშინვე ოჯახის დინჯი მბრძანებელი გახდა.

სადილობის დროს, როდესაც მეუღლე ფინჯანს აწვდიდა, სხვათაშორის უთხრა, რომ მათ ეზოში უცნაური საიღუმლო წერიტი ნიშნები გამოჩნდა. მიტკეო დაინტერესდა და გასინჯვა გადაწყვიტა.

მან დიდი ყურადღებით დაათვალიერა ნაქდევი.

იქნებ ეს არის ნიშანი ყვითელი მოხეტიალე სექტორისა? აქ სადაც მათი აგიტატორი დაეთროდა, მათ უყვართ საიღუმლო წერა. იქნებ ეს რეკლამაა? მაგრამ ეს რეკლამას არ ჰგავს.

— აა! ეს, ალბათ, მოსამსახურემ გააკეთა!

— მეუღლე! — დაუყვირა ოჯახის უფროსმა, — რასა კეთებდა ჩვენი მსახური ჩემს არყოფნაში?

— ის ჩემთან იყო ბაზარში და ერთი წუთითაც კი არ მომშორებია.

— რას აკეთებდა ჩემი ვაჟი?

— ის სკოლიდან დაღლილი დაბრუნდა, მათ ხომ აუარებელ გაკვეთილს აძლევენ.

მეზობელი სახლის კარებთან შპინოკი გამოჩნდა. მას სახეზე ეშმაკური გამომეტყველობა ჰქონდა. მამამ თავისთან მიიხმო და ჰკითხა: „რა არის ეს სურათი? შენ დახატე?“ — უთხრა სხაპასხუპით, როგორც მალაზიაში იყო დაჩვეული, როცა ვინმეს უვარგის საქონელს აჩეჩებდა. შპინოკმა ცოტა დაფიქრების შემდეგ თქვა:

— მე მთელი დრო მეზობელ ეზოში ვთამაშობდი ბეზ-ბელს. მე თავი ძალიან გამოვიჩინე



ამ თამაშობაში. მამა, რა სურათებია, რომელზედაც შენ მეკითხები? — და წრფელი პატიოსანი სახით შეხედა.

შპინოკს ხომ სულ ადვილად შეეძლო სიმართლე ეთქვა: „მე მოწყენილი ვიყავი, ბავშვებს ჩემთან თამაშობა არ უნდოდათ, ამ დანით ამოვკერი ეს ასოები“. მაგრამ იმან იცრუა, იმიტომ რომ სამხედრო თამაშობა, რომელშიაც მარტო ის იღებდა მონაწილეობას, ისევ გრძელდება. ის ახლა, მისი წარმოდგენით, ტყვე იყო დაკითხვაზე. „უშიშარი ჯარისკაცების თავგადასავლის“ წიგნში მან ეს წაიკითხა:

„თუ მოწინააღმდეგე გეკითხება სულ შეუშინეველ უბრალო რამეზედაც კი, არასოდეს არ თქვა რაც შენ იცი, რადგან ეს მცირე რამ შეიძლება რთულად გადაიქცეს.“

შპინოკს მამამ უნდობლად შეხედა, თითო დაუქნია და სახლში დაბრუნდა, სადაც მსახური ჩაის ფოთლებს ხარშავდა.

დილით სრულიად დამშვიდებული გაემართა მალაზიაში.

მალაზია დღედაღამე და მუშაობს. იგი უზარმაზარი შენობაა. ხალხი ისხდა და საუბრობდა.

შპინოკის მამასაც, რომელიც ამხანაგებთან იჯდა, მოაგონდა საბანაო კასრზე საიღუმლო ნიშნები და ამხანაგებს გაუზიარა. „სასაცილო ამბავია, არა?“ დაბოლოვა მან თავისი ამბავი. მაგრამ მისი ნათქვამი არავის სასაცილოდ არ მოეჩვენა.

— საეჭვოა!

— საშიში საქმეა...

— შეშინა, რომ ეს დასაწყისია...

— საწყალი მიტკეო!

ასე, ყველა მისმა ამხანაგმა თავისი მოსახრება წამოიძახა... ამ სიტყვებმა და ამხანაგების გამომეტყველებამ იგი ძალიან შეაშინა.

ცხრა საათზე გაათავა დილის წყებამ მუშაობა, და მიტკეო ქუჩაში გამოვიდა. შეუერთდა პროსპექტზე მოსიარულეთა ტალღას და მიყრუებული შესახვევებით ქალაქგარეთ გავიდა.

სახლში შესვლის წინ მას უცნობი კაცი შეხვდა, რომელმაც მიტკეოს სახელოში ხელი ჩაბლუჯა და ჰკითხა:

— თქვენ იქნებით ამ სახლის პატრონი, არა? — და პასუხსაც კი არ მოუცადა, ისე ჰკრა ხელი ქიშკრისკენ.

ეზოში სიჩუმე იყო.

ოთახის კარები შესამჩნევად გაწეული იყო. კარების წინ ჭილოფზე პოლიციის მოხელე იჯდა, რომელსაც მუხლებზე ქუდი და ხელთათმანები ელაგა. ირგვლივ ყველაფერს აწიოკება ემჩნეოდა. კამოდი ამოწეწილი იყო, სასადილო მაგიდაც აყირავებული ეგდო...

ყველაზე საკვირველი ის იყო, რომ არცერთი შინაური არ ჩანდა.

— ჩემი ოჯახი სად არის? — ენის ბორძიკით იკითხა მიტკეომ.

— ჩქარა ნახავთ მათ! — გამოურკვეველი პასუხი მისცა მოქალაქემ, რომელიც ეზოს კარების წინ შეხვდა.

კასრთან ორი კაცი ჩაცუცქულიყო და საიდუმლო ნიშნებს ათვლიერებდნენ. ხელში მათ გადაშლილი სახატავი რვეული ჰქონდათ: ესენი იყვნენ პოლიციელები — ტექსტოლოგები, რომლებმაც დაუწერელის წაკითხვაც კი იციან. ერთ მათგანს მოკლე შავი წვერი და სათვალეები ჰქონდა. ის უკარნახებდა თავის მოსახრებას მეორეს: „დანით ამოჭრილი ნახაზი სიგანით რვა დუიმი; ნაქდები მეტად საკვირველია. ეს ნიშნები შეიძლება ოთხ ჯგუფად გაიყოს, რომელსაც მთელი რიგი ფარული შრიფტი ეკუთვნის“...

მიტკეო კარიბჭესთან იდგა და შიშისგან გაგანიერებული თვალეებით აქეთ-იქით იცქირებოდა.

— აი, სიბერის დროს სიხარული! — ფიქრობდა ის.

— ჩემი მეუღლე წაიყვანეს... წარმოდგენილი მაქვს, როგორ ფთხრილებდა მათ ხელში.

ამდროს დამტვრეული კალათის ძირიდან გამოძვრა შპინოკი. მას ნამტირალევი სახე ჰქონდა, როდესაც მამა დაინახა, უნდოდა მისკენ გაქანებულიყო, მაგრამ შუა გზაზე შეჩერდა და ფეხქვეშ მიწას დაუწყო ცქერა.

— ჩემო ბიჭუნა! — შეჰყვირა მიტკეომ — შენ მარტო ხარ? სარდაფში რას აკეთებდი? დედაშენი სად არის?

— დედა და მსახური წაიყვანეს, — მიკნაგებული ხმით თქვა შპინოკმა და შესტირა.

ამდროს პოლიციელები შევიდნენ ოთახში, მათ ტექსტოლოგები მიჰყვნენ უკან.

— უკაცრავად, შე იძულებული ვარ დაგკითხოთ თქვენ! თქვენი გვარი? წლოვანება? შე ძროხავ, შენა, როგორ მიეცი ნება ბოროტმოქმედთ დაეფარათ ბოროტება?!

— შე არაფერი ვიცი! — მთელი ტანის ძაგძაგით თქვა მიტკეომ.

— თქვი, რას აკეთებდი გუშინ საღამოს კასრთან? იქნებ სულ შემთხვევით მოხვდი შენ იქ?

— მე ვიბანდი და ფეიქრობდი, თუ ვინ ამოჭრა ეს ნიშნები, რომელიც მე ვერ ამომეხსნა.

— ასე? — გაკვირვებით თქვა აგენტმა.

— მაშ შენ სრულიად არაფერი იცი?

— არაფერი, — მიმართა მან ტექსტოლოგებს, — გთხოვთ გამიზიაროთ გამოკვლევის შედეგები.

უფროსმა ტექსტოლოგმა გახსნა რვეული, ჩაახველა და აღფრთოვანებულმა დაიწყო:

— კასრზე აღმოჩენილი ნაქდები გვაძლევს საშუალებას რამდენიმე მსჯელობა ვიქონიოთ: პირველი და ყველაზე უტყუარი — ეს განსაკუთრებული ანბანია, რომელსაც საშიში ხალხი ხმარობს ერთიმეორის ნიშნის მიცემის დროს, როდესაც კავშირის დაჭერა უნდათ.

— რას ბრძანებთ, ბატონებო, — კანკალით თქვა მიტკეომ.

— იქნებ ეს ჩემ ნებადაურთველად არის გაკეთებული გათახსირებული აღმომჩინის მიერ.



— მეორე მოსაზრება ასეთია: დღლით დატუსა-
ლებული მოსამსახურის ვინაობის გამორკვევის
დროს გამოირკვა, რომ ის სწორედ იმ ბრინჯის
რაიონიდან არის, სადაც ხშირია აჯანყება, და
როცა მოსამსახურემ იგრძნო რევოლუციური ოჯა-
ხის სულისკვეთება, გადაწყვიტა თანამოაზრეთა
შორის ყოფილიყო და შეკრებები აქ მოეწყო.
უნდა აღინიშნოს, რომ აჯანყების დროს არსე-
ბობს მრავალი ნიშანი. ამ შემთხვევაში ეს ნიშანი
შეგვიძლია ასე ამოვიკითხოთ: „შეკრება“, ან
„ბრინჯის ალი“.

ამის შემდეგ დაკითხვა შეაჩერა პოლიციელმა
და მეორე აგენტს თვალი უყო. ის იმის ნიშანი
იყო, რომ მიტკეო უნდა გაეთრიათ.

ღამე იყო. შორს მოჩანდა ბრკყვიალა რეკლა-
მები. როდესაც შპინოკმა დაინახა, რომ მამაც
ისე მიჰყავთ, როგორც დედა, მას შეეშინდა და
ხმამალლა დაიყვირა:

— მე ამოვკერი გუშინ ეს ნიშნები.
ამით მომბაღმა და გახარებულმა მამამ თაველი
დაუკრა.

— ის ტყუის, ბატონო მოხელევე, კეთილი,
მშობლების მოსიყვარულე შვილი. არ უნდა,
არ უნდა, რომ მე წამიყვანოთ, — თქვა მიტკეომ
როცა მას მანქანაში სვამდენ.

ჯაშუშმა მანქანის კარები მიაჯახუნა, შპინოკს
მიხედა და თქვა:

— ეს ბიჭი საშიში ადამიანია. თუმცა მისი
ფიქრები პატარა და განუფითარებელია, მამის
ფიქრებისთანაა! ის ნაძვის ხეს ჰვავს, რომელიც
მიწიდან ერთ ადღზეც არ არის გაზრდილი,
მაგრამ ნაყოფი კი უკვე აქვს.

გადმოკეთებული თამარ ჩხარაიანიშვილის მიერ.

ეს სტალინელი პიონერია

აი, ზეიმიც ასეთი უნდა!
ცას აპობს დიად ხმათა ბგერები!
მოღის რაზმები გუნდად და გუნდად
გუგუნით, ცეკვით და სიმღერებით...

ცა გადაშლილა ლურჯი და ლურჯი,
თვითმფრინავიდან შორს, როგორც ნისლი,
ხტება, მოცურავს მრავალი ურჩი,
თავდადებული პარაშუტისტი!

ირგვლივ წითელი დროშების ტყეა,
პალმა-ნაძვები მწვანე და მწვანე...
ყური სალხინო ბგერების ტყევა,
თვალებს ზეიმის ფერები წვავენ.

წითელ ვარსკვლავთა ელვარე ალად
ბრიალებს ყელი და სიმღერები,
ჩვენ რუსთაველის გამზირზე მივალთ
მთელი ტფილისის პიონერები.

ქვეყნის სამშობლოს ტურფა ბავშვები,—
ეს ყველა ჩვენი პიონერია!

რა გოგონები და რა ვაჟები!
მოღის, ყიჟინით მოიმღერებან!

ირგვლივ ჩვენ თითქო სასახლეები
გვესალმებინან დროშებით კიდევე,
კვლავ ირგვლივ მწვანე-მწვანე ხეები
და გაზონების ფერადი კიდე...

ჰე, გადაშლილა ფედერაციის
ვეებერთელა მოედნის სიბრტყე,
ზღვად შეკრებილა ქალი და კაცი,
ამართულია დროშები, ვით ტყე...

და ანარკლი, ვით ცისარტყელა,
ყველას სახეს სცემს ფერი ყირმიში,
ვარდებს ვესროლით, შევხართ ყველა,
სადაც ტრიბუნად ავტო დგას მისი.

ჩვენი რაზმები მოიმღერებან,
მას დღეგრძელობა ვუსურვოთ მეტი,
ეს სტალინელი პიონერია,
ჩვენი ძვირფასი ძია ლავრენტი!

ნიკოლოზ ვსახაპე.



თამარ შავერზაშვილი.

ბავშვები კარგი მუსიკალური ნაწარმოების შექმნას ისე მოითხოვენ, როგორც კარგ საბავშვო ლიტერატურულ ნაწარმოებს.

ჩვენი კომპოზიტორები ამ მიმართულებით ნაკლებად მუშაობენ, ხოლო განსაკუთრებული ენთუზიაზმით მუშაობს თამარ შავერზაშვილი. დიდი მუშაობის გაშლაა საქირო მუსიკოსების მხრივ, რომ ის ნაკლი ამოივსოს, რომელიც ამჟამად არსებობს საბავშვო მუსიკის დარგში.

ჩვენს საბავშვო ჟურნალებში კარგაანაირად, კომპოზიტორი ქალი თამარ შავერზაშვილი თანამშრომლობს. თამარ შავერზაშვილი ჯერ კიდევ „ნაკადულში“ ბეჭდავდა თავის შედგენილ ნოტებს ბავშვთათვის, შემდეგ განაგრძობს სისტემატურ თანამშრომლობას საბავშვო ჟურნალებ „წითელ სხივში“ „ოქტომბრელსა“ და „პიონერში“.

თამარ შავერზაშვილი განსაკუთრებული ენერგიით მუშაობს საბავშვო მუსიკის დარგში, დაინტერესებულია შექმნას ბავშვებისათვის ჯანსაღი მუსიკა.

თ. შავერზაშვილის შედგენილი ნოტებით უხვად სარგებლობენ ჩვენ სკოლებში. მას ნოტებზე გადაღებული აქვს ჩვენი საბავშვო მწერლების: შიო მღვიმელის, გ. ქუჩიშვილის, გ. კაჭხიძის, ნ. დაფნარელის, მიმქრალის და სხვათა ლექსები.

თამარ შავერზაშვილს გამოცემული აქვს „საბავშვო სიმღერების კრებული“ 1927 წელს, ამჟამად გამოდის „მაულის ქარხანა“, — მუსიკალური სურათი სიმღერითა და რითმული თამაშით.

განსაკუთრებით აღსანიშნავია ის ნაკლოვანება, რომელიც ახასიათებს ქართულ საბავშვო ოპერებს. ანაკლოვანებას გრძნობს თ. შავერზაშვილი და ამიტომ მოწადინებულია დაწეროს ქართული საბავშვო ოპერა. ეს სურვილი ძალიან კარგია, და ჩვენ ნორჩ თაობასთან ერთად დიდი სიხარულით ველოთ თამარ შავერზაშვილის ამ მშვენიერი სურვილის განხორციელებას.

წერილი ბებიას


ქლაქიდან წერილს ვგზავნი და მიიღე, ბები, მახსოვს შენგან საჩუქრები და ალერსი ბევრი.

ჩემო ბები, შენთანა ვარ გაზაფხულზე კიდევ,

რომ ჩამოვალ, დამახვედრე სიალერსე ისევ.

მიხარია, რომ შენ, ბები, შეგასწავლე კითხვა, და წერილს კი ლექსად გიძღვნი დალაგებულ რითმად.

გივი მელაძე.



1

სოფელ სურნალეთის შუა ადგილზე, მდინარე ბახვის წყლის გასწვრივ ვრცლად არის გაშლილი ტბაშავის დაბლობები. უწინ აქ ღრმა ჭაობები იდგა და თავისი შხამიანი ჰაერით წამლავდა სურნალეთსა და მოსკვანეთს.

მოსახლეობას განუწყვეტლივ აწამებდა ციება. ბავშვებს ბაიას ყვავილის ფერი ედო და მოხუცებს მუხლები ახალფენადგმულ ბავშვებით ეკეცებოდათ. სოფლელები ყოველმხრივ ცდილობდნენ როგორმე გატკეოდნენ ამ ადგილებს, რომ ციებისათვის თავი დაეღწიათ. თვით ტბაშავა თავისი ადგილებით მაინც მხარედ იყო ცნობილი. ცრუმორწმუნე მოხუცები სხვადასხვაგვარ ზღაპრებს თხზავდნენ ბნელი ჭაობების შესახებ და ბავშვებს აშინებდნენ.

ჭაობნარებში გვიმრა და ჭილოფა ხარობდა, ხოლო ბნელ ღამესავით შავი ჭაობების ზედაპირზე მსუბუქად დაფარფატობდნენ კოლოები, თოხისტარა ბუხები და მახინჯი ჭინჭრაქები. აციებდა ხალხს.

ტბაშავა კოლოების ბუდე იყო და სოფელს წამლავდა.

მოხუც მართასაც აციებდა. შვილები ქალაქში ჰყავდა და მარტოდ უფლიდა ოჯახს. არ ტოვებდა სურნალეთს. ზაფხულობით შვილისშვილებს ეპატიჟებოდა და, მიუხედავად იმისა, რომ ცუდ ადგილზე სახლობდნენ, პატარა ყმაწვილები ნური და სანდრო მინც მოდიოდნენ ბებიასთან, რამდენიმე დღეს აქ დაყოფდნენ და შემდეგ მშობლებთან ერთად, ბახმაროსკენ გაწევდნენ. ელისაბედი კმაყოფილი იყო ამით. როცა მოახლოვდებოდა გაზაფხული, შვილს წერილს გაუ-

გზავნიდა და სთხოვდა „ბაღნები“ გამომიგზავნო, მაგრამ უკანასკნელ წელს ბებია თავი შეიკავა.

სოფლად ახალი საქმე დაიწყო. ელისაბედი იმ ახალმა საქმემ შიშით შეაზრიალა. 70 წლის მოხუცს ყოველ ექვს გარეშე მტკიცედ სწამდა, რომ ტბაშავის მიდამოები მაინც სულებით იყო სავსე, რომ ვინც აქ გაივლიდა, მას „უჟმური“ აპყვებოდა და ციებას დაწყებინებდა... ყოველივე ეს შიშის ურუანტელს ჰგვრიდა მოხუცს, მაგრამ ამ საშიშ ადგილებს გაზაფხულის უკანასკნელ თვეს ახალი ხალხი სამტროდ მიესია. მაისის თვეში, როცა წითელი მთის კოლმეურნობამ თესვა დაასრულა, კოლექტივის გამგეობა ტბაშავას ჭაობებს მიაღვა. ხალხს ეჯავრებოდა კოლოების ბუდე. აგრონომების რჩევით აქ მანდარინის ბაღების გაშენება შეიძლებოდა, მხოლოდ არხების გაყვანა იყო საჭირო.

მაისის ბოლოს დაიწყო მუშაობა. კოლმეურნეები დიდი აღფრთოვანებით შეუდგნენ არხების გაყვანას. სწრაფად გაყვდათ არხები. ჭრიდნენ ხეებს. ტბაშავის დაბლობზე ქუხდა ცულები... მძიმედ ენარცხებოდა ხეები დაჭაობებულ მიწაზე.

შეშფოთებული ელისაბედი რეტდასხმული დაბორილობდა ეზოში და სხვის საფექრალს თვითონ ფიქრობდა. თავისიანებს აფრთხილებდა:

— უჟმური... უჟმური... დაგლუპავს ყველაშ! — გოდებდა მოხუცი და უხაროდა, რომ შვილიშვილებს ამოსვლა არ მისწერა: კი ქნეს, რომ არ მოვიდნენ... ვინ დააკავებდა იგენს... ჭაობში ჩვირობოდნენ ცელქი ბავშვები...

ელისაბედი კოლოსავით დაფარფატობდა ეზოში.

გაზაფხული მიიწურა. სანდრო და ნური ნაგვიანეად ესტუმრნენ სოფელს. ბებია ელისაბედი წვილიშვილებს არ მოელოდა და, როცა ეზოში ჩამოსული პიონერები დაინახა მოკლე ცისფერი წარვლებითა და წითელი ბანტით, ჯერ ვერ იცნო, შუბლზე ხელი აიფარა და ისე შესძახა ახალმოსულთ:

— რომელი ხართ, ნენაე, თქვენ?
ახალგაზრდებს ხმამალლა გაეცინათ.

— ვერ გვიცანი, ბებია?

— უი!—წამოიკვივლა ელისაბედმა და შვილიშვილები გულში ჩაიკრა, მაგრამ სწრაფად მოშორდა და მოწყენით დააცქერდა ყმაწვილებს. დამღრალ სახეზე საშინელი შიში გამოეხატა.

— კაი ქენით, რომ ამოდით, ბაღნებო...
ზარა ჭკუით იყავით. ქვეყანა ინგრევა... საქყალი ქვეყანა...

ბებია ქალაქელები მოიკითხა და ვახშმის მოსამზადებლად წავიდა, ხოლო ახალგაზრდები მუხლებამდე კონინდარში ჩაგორდნენ.

მაისის მშვენიერი საღამო იყო. მცხუნვარე მზე მწვანე ტყეების იქით ნელა ეშვებოდა. აჭარა-გურიის მთებზე მსუბუქად ირეოდა მთებივით აღმართული სადაფისფერი ღრუბლები. ტბაშავის დაბლობებიდან მძლავრად მოდიოდა არეული ხმაური.

— გესმის?—წამოიძახა სანდრომ..

— მესმის,—მიუგო ნურიმ—აი ხმა იმ ადგილებიდან, მოისმის, ბებია რომ ზღაპრებს მიყვებოდა... ალბათ, ჭაობებს აშრობენ..

ყმაწვილები წამოდგნენ, მზის მცხუნვარებით დამწვარი მკლავები ამოძრავეს, ერთმანეთს დაეჭიდნენ. ვინ იცის, ძმების უთანასწორო კიდელი რით დამთავრდებოდა, ბებიას რომ არ დაეძახა. ყმაწვილები დაილაღნენ სირბილით, ლაპარაკით, მწიფე ხილის ჭამით გული იჯერეს და სახლს დაუბრუნდნენ.

დაღამდა, ცა დაიბურა. ფორთოხლისფერი მთვარე ღრუბლებში გაეხვია. ჰაერი დანესტიანდა, დამძიმდა. ბავშვები სამზარეულოში შევიდნენ. ბებია ელისაბედი რძეს აღუღებდა ყმაწვილები ცეცხლს მიუსხდნენ.

ივანშმის. ახალგაზრდები მაღიანად შეეკეტოდნენ რძესა და პურს. ბებია არაფერს ქამდა. მოწყენილი იჯდა, მკაცრად იყო შეკრული მისი სახის ნაკეთები. ვახშამი უხალისოდ დამთავრდა.

— ბებიკო, შენ რომ გვეუბნეოდი ტბაშავა ტყეში კაცი ვერ გაივლისო, დღეს რომ ამდენი ხალხი მუშაობდა, რაფერ არის აგი?

ელისაბედი წამოდგა და მკაცრი თვალებით დააცქერდა ყმაწვილებს...

— დაიწყეთ, ხომ? თქვენი საქმე არაა მაგი. იჩი, რა გითხრათ... ჭკუით იყავით... ჭკუით იყავით... თქვე ღვთიშ პირიდან გადავარდნილებო... მე ავად ვარ, მაჩიებს. თქვენი დევნა არ შემიძლია... შარშანდელივით თუ დეიქყეთ, მაშინ... მოშჩებთ აქედან.. თქვენ პირი არ ქნათ ტბაშავასკენ, თვარა უქმური ამოგყვებათ და თმაშ მეგრუჯავთ... რა გაჩინებს, თქვე მამაჯალლებო... არ მიჯერიოთ, ხომ?

ბებია ელისაბედი დიდხანს ჩიფჩიფებდა..: რალაც ზღაპრებს ყვებოდა. ქალაქიდან მოსულ პიონერებს ბებია ელისაბედის ლაპარაკი ხუმრობა ეგონათ, მაგრამ ასე როდი გამოდგა...

3

ტბაშავას ჭაობებში მუშაობა თანდათან ცხოველდებოდა. ხალხი დაუხარებლად ანადგურებდა კოლოების ბუდეს. ნური და სანდრო გატაცებით ათვალეირებდნენ მათ გარშემო გაშლილ საქმიანობას, ხოლო ელისაბედს ნაკლებად მოსწონდა შვილიშვილების საქციელი. ნური და სანდრო, მიუხედავად იმისა, რომ ბებია ძალიან უშლიდა, ხშირად ესწრებოდნენ სოფლის პიონერთა კრებებს ელისაბედისათვის გაუგებარ რამეს ლაპარაკობდნენ, ბებიას ზღაპრებს დასცინოდნენ და სულ იქით ეჭირათ თვალი, საითაც კოლმეურნეთა შრომის ხმაური გაისმოდა. ბებია ელისაბედს მოთმინება ეკარგებოდა, ბავშვების დაშინების მიზნით გრძელი ჯოხი გამოქრა და შვილიშვილები გააფრთხილა:

— პირი არ ქნათ ტბაშავისკენ, თვარა... მოგჩხებთ... იქოურობა უქმურით არის შავშე..

ახალგაზრდებს „უქმურის“ როდი ეშინოდათ, მაგრამ „მოჩხებას“ ძალიან ერიდებოდნენ და იძულებული იყვნენ შორიდან ეთვალთვალეობათ კოლმეურნეების მუშაობისათვის. იქ თანდა-

თან ნადგურდებოდა კოლოების ბუდეები, ქუხდა ნაჯახები და გამაყრუებელი გრილით ეშვებოდა მიწაზე ქაობში აღზრდილი ხეები. პიონერებმა დიდხანს ითმინეს, მაგრამ ბოლოს „მოჩხებასაც“ თვალეში ჩახედეს და იქით წავიდნენ, საითაც მათი სოფლელი ამხანაგები მიდიოდნენ.

ერთ დილას ბებია ელისაბედი და მისი შვილიშვილები ნადრეველ გააღვიძა ზარის ხმამ. მოხუცი გონებაარეული წამოიჭრა ლოგინიდან, ზარის ხმას ყური მიუგდო, პირჯვარი გადისახა და წაიჩიფიდა:

— ღმერთო, შენ შეეჭიე მაგ შაქყლებს... რა დროის ჟარების რეკაა. გადაირიენ, გადაირიენ შაჩოდავები...

მეორე ოთახში ნურიმ ფრთხილად გააღვიძა ძმა.

— სანდრო, სანდრო, გაიღვიძე... არ დაგვაგვიანდეს. პირი დავიბანოთ...

— გვიანია?— თვალეების ფშენეტით წამოვარდა უმცროსი პიონერი.

გვერდის ოთახიდან ბებია ელისაბედი გამოვიდა.

— სუუ, ტუჩებზე ხელი მიიფარა ნურიმ, — ფრთხილად, ბებია არ გაიგონოს; თვარა... ადექი, ფერადები მონახე: ვახეთი უნდა გამოვცეთ, დაგვჭირდება.

ზარებს რეკდნ. სოფელი იღვიძებდა. საღვთო ვილაცა ბარს ლესავდა. კოლექტივში საგანგაშო დღე იყო გამოცხადებული. ტბაშავას ჭაობებზე უკანასნელად მიქონდათ იერიში. ბებია ელისაბედი პირჯვარის წერით მიდიოდა სამზარეულოსაკენ. „მაჭუხებენ“ — ჩიფიფებდა იგი... უსიამოვნოდ ისაუზმეს.

— ბებია, მე ამ დილით პიონერების კრებაზე მივდივარ, — უთხრა საუზმის შემდეგ ნურიმ ბებიას და გაუცინა.

— შად? მაჩაღეთ მე თქვენ... შინ დაეგდეთ. ბებია არ იყო ხასიათზე.

— ფეხი არ გადადგათ, თვარა... იმფერს მოგჩხებთ, რომ... მე ექიმთან მივალ... ოჯახს თქვენ უნდა მოუაროთ. რა თქვენი შაქყეა სოფლის თხუზნია ბაღებთან შირბილი? შინ მეჩაღეთ მეთქი...

ნური ჩაფიქრდა: „ბებია ექიმთან მიდის? კარგი“.

— კარგი, ბებიკო, შინ დავრჩებით... ჰო, დავრჩებით.

ნური ლობესთან მესერზე გამბული თოვლივით თეთრ თიკანს გამოეთამაშა.

4

საღამო მოახლოვდა. აბრეშუმის ქსოვილივით თხელ ღრუბლებში გახვეული მზე საკმაოდ აცხუნებდა დედამიწას. ტბაშავას მიდამოებში ამ დღეს გადამწყვეტი მუშაობა მიმდინარეობდა. „კოლოების ბუდეები გადავაქციოთ ჩისა და მანდარინის პლანტაციებად“ — აი მიზანი. მთელი თემის მოსახლეობა იყო გამოხული სამუშაოდ. ასე მიმდინარეობდა გადამწყვეტი მუშაობა, როცა წელში მოხრილი ელისაბედი ფრთხილად მოფორთხავდა თემიდან. ტბაშავის მიდამოებს რომ მიუახლოვდა, არ სურდა, მაგრამ მინც შეჩერდა... შეჩერდა, ყური მიუგდო ხმაურს და დანაოქებული სახე კიდევ უფრო დაუნაოქდა.

— ლორებივით იშვრებიან ტალახში, ვაი თქვე შაჩოდავებო, — ჩუმად წაიჩიფიდა მოხუცმა.

ვინ იყო საცოდავი — მთელი თემის მთლიანი მოსახლეობა, თუ ელისაბედი? წავიდა ძველი ღრო... რამდენიმე წლის წინათ ბებია ელისაბედისათვის შემოსავლის წყაროც კი იყო ტბაშავა თავისი ჭაობებით: ვინმეს გააციებდა — „უჭმური შეგყრია, ნენავ!“ — ეტყოდა ელისაბედი და შეულოცავდა... ხალხს სჯეროდა. ელისაბედი სახელგანთქმული მლოცველი იყო... დღეს კი ბავშვებსაც აღარ სჯერა მისი, „შელოჩვა“ არავის უნდა...

ი ა ჩხაიძე



ს ი მ ლ ე რ ა

მუსიკა თ. შავჩავაშვილისა

ტექსტი ზ. კახახიძისა

სწავიწყად

Piano

f.

1. 2.

1) დღეს ქუჩებში ი-გი ჩვენი გა-მოვ-დი-ვართ, ქუ-ჩებს მო-ვაუ-ხენთ. რაზ-მე-ლი-ა, დრო-მას რომ არ ხევეს

1. 2.

რი-გი რიგს რაზმი რაზმს ჰი-ო ნე-რო წინ წინ

p cresc. f f

მოზარდებში გმირები ვართ,
 ტემპში გასული,
 ხუთწლიანი გეგმის ირგვლივ
 მხნედ დარაზმული.
 დელი დელა, დელი დელა,
 დელი დელასა.
 მივცეთ დღეთა სიხარული
 ძმებში ყველასა.
 ჩვენში არის გაზაფხული

სამაისო მზე
 დელი დელა, დელი დელა
 დელი დელასა.
 მივყვებით და კვლავ გავყვებით
 ლენინიზმის გზას,
 ვყოფილვართ და კვლავ ვიქნებით
 ბრძოლებისთვის მზად.
 რიგი რიგს რაზმი რაზმს
 პიონერო წინ.